

En fuite nous auons eu le moyen de faire le denombrement non feulement des bourgs & bourgades, mais auffi des cabanes, des feux, & mefme à peu près des perfonnes de tout le pays, n'y ayant autre moyen de prefcher l'Euangile en ces contrées qu'au foyer de chaque famille, [38] dont on a tafché de n'obmettre pas vne. Il fe trouue dans ces cinq miffions trente-deux tant bourgs que bourgades, qui comprennent en tout enuiron fept cens cabanes, de feux enuiron deux mille, & enuiron douze mille perfonnes.

Ces bourgs & cabanes eftoient bien autrement peuplées autresfois, mais les maladies extraordinaires & les guerres depuis quelques années en ça, femblent auoir emporté le meilleur, ne reftant que fort peu de vieillards, fort peu de perfonnes de main & de cōduite. Il eft à craindre que le comble de leurs pechez ne s'approche, qui porte la Iuftice diuine à les exterminer, auffi bien que plusieurs autres nations, dont les reftes fe font venus refugier parmy eux. Ce qui doit exciter plus que iamais la charité & le zele de tout le monde pour fecourir ces pauures miferables, crainte qu'ils ne tombent dans leur dernier malheur.

Voila le champ où ont trauaillé depuis l'Automne nos ouuriers Euangeliques, où il faifoit le plus chaud. C'eft là où premierement on a tourné la tefte, où on a efté à l'attaque; & iamais pour quelque [39] aduis, menaces, ou mauuais traitement que le diable ait pû fufciter, on n'a quitté aucun deffein, ny perdu aucune occafion de feruir le maiftre qui nous employe.

Je ne dis rien icy des iniures du temps qu'il a fallu que nos ouuriers ayent fouffert pendant leurs voyages de bourg en bourg de leur departement, voyageant